

Լ. Կ. ԴԱՆԵՂՅԱՆ

ԻՐԱՆԻ ՍՈՑԻԱԼ-ՏՆՏԵՍԱԿԱՆ ԿՅԱՆՔԻ ՀԱՐՑԵՐԸ
ԱՌԱՔԵԼ ԴԱՎՐԻԺԵՑՈՒ «ՊԱՏՄՈՒԹՅԱՆ» ՄԵՋ

Իրանի պատմության Սեֆյան տիրապետության շրջանի (1502—1722) վերաբերյալ կան սովորական քաղաքական-ազդեցությունները նրանց մի մասը գիտական լայն ճանաչում է ստացել և մեծ չափով օգտագործվել իրանի պատմության տարբեր բնագավառների ուսումնասիրության համար: Աղբյուրների մեծ մասը, սակայն, սպասում է իր հետազոտողներին: Նշված հարյուրամյակների պատմությունը շարունակաբար եղել է պատմաբանների հետազոտության առարկա, այսուհանգերձ, իր շատ կողմնորոշ, մասնավորապես խնդրո առարկա հարցերում այն դեռևս կարող է գիտական լուսաբանություն:

Իրանի XVII դ. առաջին կեսի պատմության վերաբերյալ մեզ հասած պարսկալեզու աղբյուրներից առավել կարևոր են Շահ Աբաս Ա-ի պալատական պատմիչ Իսքանդար բեկ Թորքեմանի (Մոնշի) սովորաբանական բերք¹ և նրա «Շարունակությունը»², Մոհամմեդ Թահեր Վահիդի «Աբբաս-Նամեն»³, Սեֆյան իրանի վարչական սիստեմի վերաբերյալ չափազանց արժեքավոր՝ «Թաղքիրաթ-ուլ-մուլուք»⁴ և այլն: Թեև միջնադարյան պարսից պալատական պատ-

¹ اسکندر بیگ ترکمان (منشی) «Արրասյան աշխարհարար պատմություն»

تاریخ عالم آرای عباسی، تهران، ج ۱، ۱۳۳۵-۱۳۳۴

² ذیل تاریخ عالم آرای عباسی (تألیف اسکندر بیگ ترکمان و محمد یوسف) تهران، ۱۳۱۸

³ محمد طاهر وحید، عباسنامه یا شرح زندگانی ۲۲ ساله شاه عباس ثانی (۱۰۵۲-۱۰۲۳) بتصحیح و تجمیع ابراهیم دهگان، آران، ۱۳۲۹

⁴ Tadhkirat al-muluk, a manual of Safavid administration by prof. V. Minorsky, G., M., S., Cambridge, 1943.

մագրությանը բնորոշ է ներքողագրությունը. և պարսկալեզու պասմական երկերի հեղինակների մեծ մասը, լինելով այդ պատմագրության ներկայացուցիչներ, պատմությունը շարադրում էն՝ առանձին հարցերի միտումնավոր մեկնաբանությամբ, սակայն, այդ երկերը հսկայական փաստական նյութ են պարունակում՝ և քննական հետազոտության դեպքում արժեքավոր ավանդ կարող են մուծել իրանի պատմության ուսումնասիրության գործում: Ավելացնենք, որ թեև այդ գործերի մեծ մասը պատերազմների ու արշավանքների պատմություն է, այսուհանդերձ, նրանք ընդգրկում են բավականին նյութ նաև սոցիալ-տնտեսական կյանքի վերաբերյալ:

Իրանի պատմության ուսումնասիրության համար մեծ է նաև հայկական աղբյուրների նշանակությունը: Այդ մասին նշում են մասնավորապես պարսիկ պատմաբանները: Սակայն իրանի մասին հայկական աղբյուրների հետազոտումը դեռևս չափազանց թույլ է տարվում (եթե չասենք՝ իսպառ բացակայում է): Առանձնապես նկատելի է XVІІ դ. այնպիսի արժեքավոր սկզբնաղբյուրի ուսումնասիրության անհրաժեշտությունը, որպիսին Առաքել Դավրիժեցու «Պատմությունն» է⁵:

Նվիրված լինելով Հայաստանի պատմությանը, այն հարուստ նյութ է բովանդակում նաև մի շարք այլ երկրների, մասնավորապես իրանի պատմության վերաբերյալ: Պատահական չէ, որ որոշ ձեռագրերում այս երկը անվանվում է «Պատմութիւն թագաւորացն Պարսից...»⁶: XVІІ դ. սկզբի իրանա-թուրքական պատերազմների, ինչպես նաև իրանահայ գաղութի կյանքի նկարագրությունից զատ Դավրիժեցու երկում տեղեկություններ են հաղորդվում իրանի ներքին, սոցիալ-տնտեսական կյանքի տարբեր բնագավառների վերաբերյալ: Կարևոր տվյալներ կան երկրի քաղաքների, արհեստների, պալատի, վարչակարգի, հարկերի և հարակից այլ հարցերի վերաբերյալ:

«Պատմությունը» ոչ միայն ընդգրկում է լրացուցիչ փաստեր, այլև օգնում է ճիշտ լուսաբանելու մի շարք հարցեր՝ սեֆյան արտաքին քաղաքական կյանքի, հայ-իրանական հարաբերությունների, երկրի ներքին կյանքի վերաբերյալ և այլն:

Դավրիժեցին իր ժամանակի ուսյալ և ակնառու անձնավորու-

⁵ «Պատմութիւն Առաքել վարդապետի Դավրիժեցույն, Վաղարշապատ, 1896: (այսուհետև՝ Դավրիժեցի): Նրկն ունեցել է ևս երկու հրատարակություն՝ 1669 թ. (Ամստերդամում) և 1884 թ. (Էջմիածնում):

⁶ Տե՛ս օր.՝ Մ. Մաշտոցի անվ. Մատենադարան, ձեռ. № 2271, էջ 214ա:

թյուններից էր, նա իր նկարագրած դեպքերի մեծ մասի ժամանակակիցն ու ականատեսն է ևղել, իր պատմության հավաստիությունը շեշտելու մտահոգությամբ պատմիչը հաճախ ընդգծում է՝ «տեսաւ աշօք մերովք» և կամ «...պարտ վարկանիմ մեղ ականատեսս ևղելոցս ոչ դանց առնել...»⁷։ Դեպքերի մի մասն էլ Դավրիժեցին շարադրել է ըստ ականատեսների պատմածների, ըստ որում, հեղինակը դրանք դրի է առել իր երկի համար նյութ հավաքելու նպատակով կատարած շրջայայտությունների ժամանակ։ Շատ երկրների թվում նա ևղել է և Իրանում, «Պատմության» մեջ հաճախակի են այսպիսի հավաստիացումները. «...դոր տեսողքն պատմեցին ինձ», «դոր ին՝ լուաք յականատեսս պատմողաց՝ զայն գրեմք...»։ Դավրիժեցին օգտագործել է և զրավոր աղբյուրներ՝ ավետարանների, ճաշոցների, հայսմավորքների հիշատակարաններ, կոնդակներ, պատմական երկեր և այլն, «Այլ և յամենայն եկեղեցիս՝ ուր և պատահեցաք,—դրում է հեղինակը,—զամենայն գրոց անդրէն եղելոց յհիշատակարանսն ընթեռնուաք»⁸։ Իրանին վերաբերող տեղեկությունների մեծ մասը պատմիչը գրել է կամ ականատեսների հաղորդումների և կամ անձնական հիշողությունների հիման վրա։ Երբեմն օգտագործել է նաև զրավոր աղբյուրներ, մասնավորապես Սողահունում, Թավրիզում, Չհարմհալի վաստիկան գյուղում գրտնրված հիշատակարաններ։ Անհրաժեշտ է ընդգծել այն մեծ պատասխանատվությունը և քննադատական մոտեցումը, որ ցուցաբերում է Դավրիժեցին իր երկի աղբյուրների նկատմամբ, լինեն դրանք զրավոր, թի ականատեսների պատմածներ։ Պատմիչը ձեռնարկ է հաղորդել առավելագույն չափով ստույգ տվյալներ և դրա համար, իր խոսքերով ասած՝ «վասն զստուգութիւն բանին գտանելոյ, ևղև զի զմի պատմութիւն, տասն անգամ և այլ աւելի կրկնելով զրեցիս»⁹։

Պատահական չէ, որ «Պատմությունը» համարվել է «հազվադյուտ ստեղծագործություն» (Նոյման, Մյուլլեր)¹⁰։ Դ. Ալիշանը նշում է, որ Դավրիժեցին թե՛ իրենից 2—3 դար առաջ և թե՛ իրենից հետո ևղած պատմիչների մեջ լավագույնն է¹¹։ Դավրիժեցին

⁷ Դավրիժեցի, էջ 409, 213 և այլն։

⁸ Նույն տեղում, էջ 416։

⁹ Նույն տեղում, էջ 670։

¹⁰ Sbm' Neuman C. F., Versuch einer Geschichte der armenischen literatur, Leipzig, 1836, s. 249; Müller Fr., Wiener Zeitschrift für die Kunde des Morgenlandes, Bd. II, 1888. s. 259—262.

¹¹ Դ. Ալիշան, Հայապատմ., մասն Ա, Վենետիկ, 1901, էջ 131։

սատուգապատում մատենագիր է և իր ժամանակի պատմության համար վստահելի աղբյուր»¹², «առաջնակարգ գրական մի աստղ, որ շունի իր նմանը թե՛ նախորդ գարում և թե՛ իր ժամանակակիցների մեջ»¹³,

Մեծ է հղել «Պատմության» նվաճած ուշադրությունը¹⁴ սկսած առաջին հրատարակությունից, երբ Ամստերդամից գրքի օրինակներն ուղարկվում են Արևելք և շուտով սպառվում։ Նույնը կատարվում է հաջորդ հրատարակությունից հետո։ Ֆ. Մյուլլերը գրում է, որ ինքը մեծ դժվարությամբ մի հայ եկեղեցականի օգնությամբ բավականին մեծ գնով կարողացել է ձեռք բերել Դավրիժեցու գրքի մի օրինակը¹⁵։ Նույնպիսի հոգնություն է կրել և Պետերմանն իր՝ դեպի Արևելք կատարած ուղևորության ժամանակ, մինչև որ Ջուղայում գտել է «Պատմության» մի օրինակը՝ Բեռլինի պետական մատենադարանի համար¹⁶։

«Պատմության» ճանաչվածությունը արդյունք է ոչ միայն այն բանի, որ նրա հեղինակը ականատես է, ականջալուր և անաչառ, այլև՝ որ նա տեղեկացնում է Հայաստանից բացի նաև այլ երկրների մասին, հաղորդելով այնպիսի տվյալներ, որոնք բացակայում են նույն դարաշրջանի այլ պատմիչների երկերում։

Նման սկզբնաղբյուրի հետազոտումը և օգտագործումը Իրանի պատմության ուսումնասիրության համար ոչ միայն շահեկան է, այլև միանգամայն անհրաժեշտ։

* * *

XVII դ. առաջին կեսը, որն արտացոլվել է Դավրիժեցու երկում, աչքի է ընկնում Իրանի սոցիալ-տնտեսական և քաղաքական կյանքի առավել աշխուժացմամբ։ Այդ շրջանի համար բնորոշ են պետական հողերի նշանակալից աճը, կենտրոնաձիգ քաղաքականության ուժեղացումը, առևտրական ու դիվանագիտական կապերի ընդլայնումը, քաղաքների, արհեստների, ներքին առևտրի զարգացումը և այլն։

¹² Զ. Անույան, Հայկական մատենագիտություն, հ. Ա, Երևան, 1959, էջ 1144։

¹³ Ան, Հայոց պատմություն, հ. Գ, Երևան, 1956, էջ 363։

¹⁴ Այն չէր կարող վրիպել հայ պատմագիրների երկերի թարգմանության գործի անխոչընդոտ, Պետերբուրգի կայսերական ճեմարանի գործունյա անդամ Մ. Բրոսսեի ուշադրությունից, որը ֆրանսերեն է թարգմանում «Պատմությունը» և 1874 թ. հրատարակում (*Brosset M., Livre d'Histoires composé par le var-tablet Arakel de Tauriz (Collection d'historiens arméniens, t. I, St.-Petersbourg, 1874)*).

¹⁵ Müller Fr., Wiener Zeitschrift..., s. 259.

¹⁶ Petermann H., Reisen im Orient, Bd. I, Leipzig, 1860, s. 223.

Հողագործությունը մնում էր որպես տնտեսության գերիշխող ձև: Դյուղատնտեսության զարկերակը արհեստական ոռոգումն էր: Ֆեոդալական հողային սեփականության զարգացումը ուղեկցվում էր արտադրողական ուժերի հարաբերական զարգացմամբ և դրան հասնող ֆեոդալական շահագործման ուժեղացմամբ:

Սեֆյան Իրանում ֆեոդալական հարաբերությունները զուգակցվում էին քոչվոր բնակչության մեջ իշխող նահապետական-տոհմատիրական հարաբերությունների հետ: Բնակչության 1/3-ը քոչվոր կյանք էր վարում, ընդ որում քոչվոր ցեղերը տիրում էին մեծ քանակությամբ հողերի, արոտավայրերի:

Մևհ օտարածում ունեին պայմանական ծառայության հետ կապված հողային սեփականության ձևերը: Դիվանի կամ խասսե հողային ֆոնդերից մեծ բաժին տրվում էր ֆեոդալներին որպես ավատ (թիուլ, սոյուրդալ): Ավատային նվիրատվություններից զրլխավոր տեղ էր դրավում թիուլը, որը, ի տարբերություն սոյուրդալի, ժառանգական չէր: Գոյություն ունեւ թիուլի երկու տարատեսակ. ալն տրվում էր կամ պաշտոնի աւթիվ՝ պտշտոնավարելու ընթացքում, կամ էլ անձնական արժանիքների համար՝ ցմահ, սակայն առանց հարկային ու դատավարչական իմունիտետի իրավունքի:

Դավրիժեցու մոտ հանդիպում ենք հողային նվիրատվության վերաբերյալ հետաքրքիր փաստի: Դավիթ կաթողիկոսը, հրաժարվելով կաթողիկոսությունից, մեկնում է Սպահան, դրա համար խնդրելով Շահ-Աբաս Ա-ի թույլտվությունը և հրամանը: Շահը թույլտվության հետ մեկտեղ նրան նվիրում է մի գյուղ (Ջղախոռ գավառում), «դի կերիսցէ զմուտս գեղջն այնմիկ և ազօթեսցէ վասն կենաց թադաւորին»¹⁷: Ամենայն հուպանականությամբ այստեղ գործ ունենք թիուլի մի տարբերակի հետ, քանի որ այս նվիրատվության հիմքում ընկած է թիուլին հատուկ պայման, այսինքն՝ հողային հարկի կամ նրա մի մասի (և ոչ՝ հողի ու նրա բնակիչների) պարգևումը: Ըստ որում թիուլը տրված է ոչ թե զինվորական կամ քաղաքացիական պաշտոնյայի՝ ծառայության համար (ինչպես ընդունված էր), այլ՝ այլակրոն բարձրաստիճան հոգևորականի:

¹⁷ Սեֆյան Իրանի հողատիրության սխտեմի մասին տե՛ս Н. Пагулевская и др., История Ирана с древнейших времен до конца XVIII в., Л., 1958; باستانی پاریزی، جزو و مد سیاست و اقتصاد در امپراطوری صفویه (دعما)، ۱۳۴۵، شینة ۱۰، ص ۱۱۷:

¹⁸ Դավրիժեցի, էջ 217:

Մյուս կողմից, այդ նվիրատվությունը կատարվել է հարկային իմունիտետի շնորհմամբ¹⁹, մի երևույթ, որ հատուկ է եղել սոյուրդալին:

Այսպիսով, հիշյալ փաստը դիտվում է իբրև հողային այնպիսի նվիրատվություն, որին բնորոշ են ինչպես թիուլին, այնպես էլ սոյուրդալին հատուկ գծեր: Դա վկայում է Սեֆյան շրջանում հողային նվիրատվության ղանազան տարբերակների սովորական մասին և գալիս է հավաստելու Ի. Պ. Պետրուշևսկու այն միտքը, որ «թիուլը, որպես տերիտորիա, որից շնորհվում էր ռենտա-հարկի մի մասը, կարող էր շատ տարբեր հասկացություններ արահայտել»²⁰:

Հողային նվիրատվության մի այլ ձևի մասին է վկայում Դավրիժեցու հաղորդումը Շահ Աբաս Ա-ի՝ Մեխրե Շահնազարին և նրա եղբայրներին պարգևած գյուղերի մասին: Այդ նվիրատվությունն արդեն ժառանգական պայմանով է՝ «...զի անփոփոխ լիցի ժառանգութին այն նոցա և զաւակաց նոցա յազգէ յազգ մինչև յաւիտեան»²¹: Ժառանգական իրավունքը, ինչպես հայտնի է, հատկանշական է սոյուրդալին. սակայն տվյալ դեպքում դժվար է խոսել սոյուրդալի մասին, քանի որ հիշյալ նվիրատվության վերաբերյալ այլ պայմաններ հայտնի չեն:

Սեֆևիների օրոք գյուղացիների դրուժյան հարցը դեռևս բավարար չափով ուսումնասիրված չէ: Հայտնի է, սակայն, որ ուշաթի վրա դրված էին մեծ թվով հարկեր ու պարտավորություններ, որոնք նա հաճախ ի վիճակի չէր լինում վճարել:

Ռենտայի հիմքը կազմում էր մալոջհաթր (խարաջ, բահր), որը տարբեր ժամանակներում և տարբեր նահանգներում կաղմում էր բերքի 1/6-ից մինչև 1/3 մասը: Գոյություն ունեցող բազմաթիվ այլ հարկերից ու պարհարկներից էին՝ ավարիզ, ուլաղ և ուլամ, բիդար, ջիղյա, թաուշիհ, շեքար, մոհլաթանն, ղոնալղա և այլն²²:

¹⁹ Նույն տեղում, էջ 232—233:

²⁰ И. Петрушевский. Очерки по истории феодальных отношений в Азербайджане и Армении в XVI—нач. XIX вв., Л., 1949, стр. 210.

²¹ Դավրիժեցի, էջ 96—97:

²² Այս և մյուս հարկերի մասին տե՛ս سازمان اداری، مینو، ستی، ترجمه مسعود رجیب نیا، تهران، ۱۳۴۴، ص ۱۱۷—۱۹۴، احمد قلی بخش، ایران در زمان صفویه، تبریز، ۱۳۴۰، ص ۳۸۱—۳۸۹، Н. Пигулевская и др., История Ирана..., стр. 256; И. Петрушевский, Очерки..., стр. 266—292; А. Папазян, Аграрные отношения в Восточной Армении в XVI—XVII веках, Ереван, 1972, гл. VIII. Վերջին երկու աղ-խառնության մեջ թեև խոսքը Ազրբեջանի և Հայաստանի մասին է, սակայն նրանցում բերված հարկերի հարուստ ցանկը և բացատրությունները կարող են պատկերացում տալ և իրանի հարկային սխեմայի մասին:

Դավրիժեցու երկում թեև հատկապես չի խոսվում հարկերի մասին, սակայն առանձին տեղեկություններ հաստատում, երբեմն և լրացնում են Սեֆևիների օրոք ճանկչությանը պարտադրված հտրկերի, նրանց դանձման ձևերի, ինչպես նաև աշխատավորության վիճակի մասին եղած տվյալները:

Շահ Արաս Ա-ի ներքին քաղաքականության բնորոշ դժերից մեկը նրա ձյտումն էր՝ ապահովել երկրի կենտրոնական շրջանների, մասնավորապես Պարսկական իրաքի բարդավաճումը: Այդ դիժը շոշափելի էր Շահ Արասի նաև հարկային քաղաքականության մեջ²³ և դրա ցայտուն արտահայտություններից մեկը եղավ 1598/99 (հեջրի 1007) թ. Պարսկական իրաքի բնակչության ազատումը մեծ թվով հարկերից, որոնց գումարը կազմում էր մոտ 100 հազար իրաքյան թուման²⁴:

Դավրիժեցին մանրամասներ ունի այդ հարկերից՝ յոթանբեկիի մասին, որը դանձվում էր մանր եղջերավոր անասունների համար²⁵, նրա հաղորդմամբ այս հարկը չափազանց ծանր էր և քայքայիչ ներգործություն է ունեցել բնակչության տնտեսական վիճակի վրա: Պատմիչը նշում է, որ յոթանբեկիի կամ, ինչպես նա անվանում է՝ քոդավի ստույգ չափը գյուղացիներին հայտնի չէր²⁶, և հարկահանները դանձել են այն ըստ իրենց հայեցողության, տարեցտարի ավելացնելով:

Դավրիժեցու հաղորդմամբ խոռոմարադ գյուղի բնակիչներից մեկն այսպես է նկարագրել քոդավի հետևանքները. «Որքան զնաց, ծանրացաւ քողան, և այնքան ծանրացաւ, որ զնոյն ինքն ոչխարորն զամենայն վաճառեալ տուաք ի քողան, և այնու ոչ կարացաք զերծանիլ, զպարաս ևս առաք և տուաք քողաւ, և ապա զինչս և զստացուածս օր յսուր վաճառելով, զորս ի քողան տուաք և զորս պարտատեարցն վճարեցաք, ոչինչ մնաց, քանզի կարի յոյժ ծանր է հարկն քողաին»²⁷:

²³ Տե՛ս այդ մասին *Н. Миклухо-Маклау* К вопросу о налоговой политике в Иране при шахе Аббасе I (1587—1629), («Советское востоковедение», 1949, VI).

²⁴ ٥١٧ اسکندر منشى... ج ١، ص ٥١٧

²⁵ Մոնշու հաղորդման համաձայն չորանբեկիից արթունի դանձարան էր մտնում տարեկան 20 հազար իրաքյան թուման (٥١٧ اسکندر منشى... ج ١، ص ٥١٧)

²⁶ Պաշտոնական ցուցակով ոչխարների դիմաց դանձվող գումարը պետք է հավասար լիներ ոչխարների և դառների ընդհանուր թվի 1/7 մասի և հյի ոչխարների 1/3 մասի արժեքին (٣٨٩ اسکندر منشى... ج ١، ص ٣٨٩)

²⁷ Դավրիժեցի. էջ 174:

Չոբանբեկիի վերացումը Պարսկական իրաքում²⁸, ինչպես աս-վեց, ինքնին խոսում է նվաճված երկրների հաշվին իրանի կենտրոնական շրջանների տնտեսության ամրապնդման և նրա բնակչության վիճակի բարելավման ուղղությամբ Շահ Աբասի հետևողական քաղաքականության մասին։ Այս հանգամանքը, սակայն, չի նկատվել Դավրիժեցու կողմից՝ չոբանբեկիի վերացման հարցը մեկնաբանելիս, որը պատմիչը դիտում է իբրև շահի խղճահարության և ողորմածության արտահայտություն։ Այսուհանդերձ, Դավրիժեցու նկարագրությունն ւթեթեքավոր է փաստական առումով և պատկերացում է տալիս ոչ միայն վերոհիշյալ հարկի, այլև ընդհանրապես ռայաթի կյանքի մասին։

Դավրիժեցու նկարագրած ընտանիքն իսպառ զրկվել էր իր երբեմնի ունեցվածքից (մեծ քանակությամբ անասուններ, աչգի, ջրաղաց և այլն)։ Նույն վիճակում էին պուղի մյուս ընտանիքները։ Նկարագրված վիճակն ընդհանուր էր նաև հարևան գյուղերում։ Մեկ լայսմ պատճառէ չբաւորեցաք,—գանգատվում է խոռոմաբաղի գեղջկուհին,—ոչ միայն մեք զոր տեսանեսս, այլ և բաղում մեծատունք այսպէս եղեն, ոմանք ի մեր գեղջէս և այլք յայլոց գեղորէից գաւառիս. որ և սկսավ սլառան զայնոսիկ զամենեսեսան յանուանէ յիշելս²⁹։

Ռայաթի համար անձնապես ծանր էր մի ամբողջ շարք պարտավորությունների կատարումը՝ կապված շահի կամ բարձրաստիճան մարդկանց այցելությունների հետ։ Գյուղացիները պարտավոր էին ոչ միայն օթեան տալ նրանց, այլև հոգալ նրանց բոլոր կարիքները։ Այդպիսի պարհակներ էին ստվարին (سوارى), նղուլը (نعل)՝ դոնալդան (قنفل), ալաֆե-ուլուֆեն (اعلاعهافه), խեղմաթանեն (خدمتانه) և այլն։ Դավրիժեցու շատ տվյալներ վկայում են ռայաթների կողմից այդ պարտավորությունների կատարման մասին։

²⁸ Այլ նահանգներում, այդ թվում և նվաճված ծայրամասային շրջաններում չոբանբեկին շարունակում էր մնալ իրրե գլխավոր հարկերից մեկը։ Դրա վկայությունն են նաև 1647 և 1649 թթ. Երևանի բեկլարբեկ Քյոխոսրովխանի հրամանագրերը էշմիաժնի վանքի աչգիների և ջրաղացների մալուհաթի և չոբանբեկիի դոմարները Փլիպսո կաթողիկոսին նվիրելու մասին (ՄՊԶ, պր. 2, վավ. 34 և 36)։ Տե՛ս նաև Շահ Աբաս Բ-ի օրոք 1651 թ. Քերմանում չոբանբեկիի դանձման չափերի կարգավորման վերաբերյալ փաստաթղթերը جزی و مدت باستانى پاریزی, سیاست و اقتصاد... (بیجا، ۱۳۴۰، شمس ۱۱، ص ۳۹۶-۳۹۷)։ Սակայն ալեի ու շահնդդիում ենք որոշ վայրերում գյուղացիներին չոբանբեկիի վճարումից ազատելու դեպքերի (տե՛ս 1664/5 թ. Նահրեղաբերի բնակիչներին չոբանբեկիի վճարումից ազատելու վերաբերյալ հրամանը («Грузинко-персидские исторические документы», Тбилиси, 1955, стр. 309)։

²⁹ Դավրիժեցի, էջ 175։

Այսպես, երբ Շահ Աբաս II-ն իր շքախմբով իջևանում է հոռոմաբադ գյուղը, նրա բնակիչները «ընդ հարկահանաց իշխանացն հոգային զհոգս կարևայ արքայի և այլոց իշխանաց»³⁰։ Դավրիժեցու հաղորդմամբ մի քանի գյուղացիներ կյանքով են հատուցում այն բանի համար, որ մերժել էին օթևան տալ ծալտված շրջող Շահ Աբրահամին, «Այլ և առաքեաց զիշխանս ի գիւղն հոռոմապատ. առ ի սպանանել զարսն, որք ոչ ընկալան զնա...»³¹։

Գոյություն ունեւր և սուրսաթ(سورسا) կոչվող պարհակը, որը սլարտավորեցնում էր գյուղացիներին պատերազմի ժամանակ հացահատիկ հասցնել բանակի զորամասերին։ Նկարագրելով 1603—1605 թթ. իրանա-թուրքական պատերազմների պատճառած ավերածություններն ու թշվառությունները, Դավրիժեցին նշում է նաև զանազան հարկերի, այդ թվում և սուրսաթի ծանրության մասին։ «Թէ որքան ծանրաբեռն հարկապահանջութիւն եղեալ ի վերայ ժողովրդեանն,—գրում է պատմիչը,—և բռնութեամբ առին, նոյնպէս և զսուրսաթն, որ զկնի ղօրացն բնրել տային, և թէ զօրքն և ի ձմեռն երկվարօքն իւրեանց ղշլաղ տային...»³²։

Դավրիժեցին հիշատակում է նաև գլխահարկի (չիզյե) մասին, որը հեջրի I դ. սկսած (մ. թ. VII դ.) գանձվում էր ոչ մահմեդական բնակչությունից։ Լեոյի արտահայտությամբ՝ գլխահարկը «դաշնագրություն էր մուսուլմանի և անհավատի մեջ»³³։

Սեֆևիդների օրոք գլխահարկը, որ գանձվում էր քրիստոնյաներից և հրեաներից, մեծ չափերի էր հասել։ Չնայած դրան, ինչպես վկայում են Դավրիժեցու տվյալները, Իրանի այլակրոն ժողովուրդները մշտապես գերադասել են գլխահարկ վճարել՝ հավատարիմ մնալով իրենց կրոնին³⁴։

³⁰ Նույն տեղում, էջ 172։

³¹ Նույն տեղում, էջ 176։

³² Նույն տեղում, էջ 78։

³³ Լեո, Հայկական տպագրություն, հ. 1, Քիֆլիս, 1901, էջ 205։

³⁴ Ուլազարավ է «Պատմության» մեջ հիշատակված վկայությունը Տարոնում 1306 թ. Ղարաբաղ խանի արձակած հրովարտակի մասին, որով նրա իշխանությանը ենթակա քրիստոնյաներին ազդարարվում էր «... կամ դառնալ ի մուլար դաւանութիւն Մահմետի ե կամ տալ խարաճ ամէն մարդ իւր զլիսոյն ղոթն դահեկան և թուք և ապտակ ի յերեսն և զմուրուսն ճողել, և սև կարկատան մի ի վերայ աշոյ ուրին կարել, նախատինք վասն Քրիստոսի...»։ Շատ շանցած այս հրամանը փոխարինվում է նորով, ըստ որի՝ մահմեդականություն չընդունող քրիստոնյաներին «կամ դամենեսեան ներքինիս առնել կամ դմի ակն հանել» (տե՛ս Դավրիժեցի, էջ 625—626)։ Նույն վկայությունը դանում ենք Գրիգոր Վարագեցու ժամանակագրության մեջ (Մանր ժամանակագրություններ (կազմ. Վ. Հակոբյան), հ. 2, Երևան, 1956, էջ 361)։

Սեֆեհինների կենտրոնական կառավարական մեքենան աչքի էր ընկնում իր բազմաճյուղացիությամբ: Թեև շահը երկրի անսահմանափակ տիրակալն էր, սակայն պետության կառավարման մեջ խոշոր դեր ունեին մեծ թվով պալատական բարձրաստիճան պաշտոնյաներ, որոնց անվանում էին «պետության սյուներ» (ارکان دولت): Երկրի կառավարումը իրականացվում էր քաղաքացիական, ռազմական և հոգևոր իշխանությունների բազմաթիվ ներկայացուցիչների միջոցով:

Շահնշահից հետո երկրի առաջին դեմքը էթեմադ-էդ-դոուլեն³⁵ էր կամ մեծ վեզիրը (وزیر اعظم)³⁶, որի վերահսկողությանն էին ենթակա պետության բոլոր վարչական ու ֆինանսական գործերը³⁷: Կրզըր-բաշ էմիրների ազդեցության թուլացումից հետո մեծ վեզիրը նշանակալից կշիռ է ձեռք բերում, վճռական դիրք գրավելով պետության կառավարման գործում³⁸:

Ըստ «Թազքիրաթ ու-մուլուքի»՝ մեծ վեզիրի իրավասության մեջ էին մտնում բարձր պաշտոնների նշանակումը, երկրի ֆինանսական ու հարկային գործերի կառավարումը, ինչպես նաև բոլոր բարձր աստիճանավորների գործունեության նկատմամբ վերահսկողությունը:

Դավրիժեցու երկը տեղեկություն է տալիս էթեմադ-էդ-դոուլեն գործունեության նաև այլ ոլորտների մասին, մոտիկից ցույց տալիս նրա անմիջական մասնակցությունը քաղաքային կյանքի զանազան հարցերի կարգավորման գործում: Մեր պատմիչի նյութերը ցույց են տալիս, որ XVII դ. կեսերին ևս էթեմադ-էդ-դոուլեն հանդիսացել է շահի աջ թևը, նրա ամենաակտիվ գործակիցը:

Սպահանաբնակ այլակրոն ընտանիքների բնակատեղին փոխելու համար իշխանությունների գործադրած միջոցառումների մասին Դավրիժեցու նկարագրության մեջ ակնհայտ է էթեմադ-էդ-դոուլեն Մահմատ բեկի (Մահմամեդ բեկ) ակտիվ մասնակցությունը

³⁵ Բառացի՝ «պետության վստահություն» (արար.):

³⁶ Ավելի ուշ նա սկսել է կոչվել առաջին վեզիր (نخست وزیر):

³⁷ Սեֆեհինների իշխանության սկզբնական շրջանում այս անվանումը գոյություն չի ունեցել, և իշխանության բարձրագույն պաշտոնյան կոչվել է «վաբի»:

(XVII դ. մեծ տարածում է դառնում «էթեմադ-էդ-դոուլեն» անվանումը, որի մասին վկայում է և Դավրիժեցին:

³⁸ Շարգհը նշում է նույնիսկ, որ Իրանի շահերը լոկ ձևական իշխանություն ունեն, և երկրի իսկապես շահը մեծ վեզիրն է (Chardin, Voyages du Chevalier Chardin en Perse et autres lieux de l'orient, P., 1811, vol. V, p. 430. Դա, անշուշտ, չափազանցություն է և բնորոշ չէ մանավանդ շահաբասյան շրջանի համար):

Շահ Աբաս Բ-ի հրամանների իրագործման ուղղությամբ տարվող բոլոր միջոցառումներին³⁹։ Ընդ որում, մեծ վեգիրը գործում էր շահի հետ յիովին համաձայնեցված պլանով, հաճախ թելադրելով նրան անհրաժեշտ որոշումը, մշտապես, սակայն, բարձրության վրա պահելով շահի հրամանը և գործելով միայն նրա անունից։

Էթեմադ-էդ-գոուլեն համագործակցում էր նաև իշխանավորների ու պալատականների հետ։ «Համախորհուրդ եղեալ ընդ ալլ ես իշխանացն Պարսից», նա «անպատեհ և անձեռնտու» բնակավայր էրնտրում Սպահանից արտաքսվող հրեաների համար⁴⁰։ Ըստ 'Իավ-րիժեցու տվյալների, մեծ վեգիրը նաև անմիջական շփման մեջ էր քաղաքապետի, վարչական գանադան պաշտոնյաների հետ. ընդհուպ մինչև Իրանի գաղթականների տարբեր խմբերի ներկայացուցիչները՝ ավադները. «...Կոչեաց էհտիմալ-գալվաթն առաջի իւր գաւազն երեանցւոց՝ որում անունն էր խօջայ Յակոբջան, ընդ ալլ ևս արանց, և ծանոցց նոցա գհրաման թագաւորին»⁴¹։

Ինչպես պետության մյուս «սյուները», այնպես էլ էթեմադ-էդ-գոուլեն իր գործունեության ընթացքում ուղեցույց ունեւր շարիաթի սկզբունքները և այդ պատճառով ամենասերտ կապի մեջ էր հոգևոր գերագույն առաջնորդի՝ սադրի հետ։ Այս փաստը ցայտուն կերպով արտացոլված է Դավրիժեցու մոտ⁴²։

Սադրը լինելով կրոնական առաջնորդ ու հոգևոր բարձրագույն ատյանի տեղում, մեծ կշիռ ունեւր պետության կառավարման մեջ։ Սեֆեհիների օրոք սադրի տաշտոնը փոփոխությունների է ենթարկվում, և շահ Թահմասպի ժամանակներից սկսած այն վարում են երկու հոգևորական, որոնք կոչվում էին «սադրե-ամմև», «սադրե խասսև»⁴³։ 'Էրջինս ավելի խոշոր դեր ունեւր և օգտվում էր մեծ իրավունքներից։ Կրոնական աշխարհի բոլոր տեսակի գործերը, այդ թվում և հոգևոր ատյանը զլխավորելուց բացի, նա մասնակցում էր և քաղաքացիական դատարանի որոշ աշխատանքներին։ Այսպիսով, սադրի վճիռն անհրաժեշտ էր և գերագույն դատավորի՝ դիվանբեկիի համար, թեև վերջինիս կողմից վավերացվելուց հետո էր միայն, որ վճիռը գործադրման ուժ էր ստանում։

³⁹ Դավրիժեցի, էջ 442—480։

⁴⁰ Նույն տեղում, էջ 462։

⁴¹ Նույն տեղում, էջ 451։

⁴² Նույն տեղում, էջ 464։

⁴³ مینورسکی، سازمان اداری... ص ۷۴-۷۳، استند منشئ، ج ۱، ص ۱۴۴
محمد طاهر وحید، عباسنامه، ص ۳۸

Դիվանբեկին ևս Սեֆեհիների վարչական մարմինների շարքում վճռական դեր ունեո և կոշված էր գլխավորելու արդարադատության գործը:

«Թազքիրաթ-ուլ-մուլուքում» նշված՝ դիվանբեկի պարտականությունները (ամբողջ երկրի մասշտաբով տուգանքների և զանգատների քննումը, շարիաթի սկզբունքների կիրառումը, շաքաթական երկու անգամ մարդկանց ընդունելությունը իր տանը դատական գործերով)⁴⁴ պատկերացում են տալիս դիվանբեկի գործունեության մասին՝ կապված գլխավորապես մահմեդականների միջև վիճելի հարցերի կարգավորման հետ:

Դավրիժեցիներ տվյալներ է հաղորդում դիվանբեկի կողմից Իրանի այլակրոն բնակիչների դատական հարցերի քննության մասին: 1657 թ. մի սպանության առիթով հրեաների դատավարության նկարագրության մեջ դիվանբեկին ներկայանում է իբրև գլխավոր քննող և վճռող անձ, որի կայացրած մահվան վճիռը մահմեդականություն ընդունած հրեային (կամ որ միևնույն է՝ մահմեդականին) սպանող երեք հրեաների նկատմամբ անհապաղ ի կատար է ածվում⁴⁵, իսկ մինչև դատավարությունը հանցագործներին գտնելու ուղղությամբ միջոցներ ձեռնարկելիս դիվանբեկին զործում էր էթեմադ-էդ-դուլբի հետ միասին⁴⁶:

«Պատմության» մեջ տեղեկություններ կան բարձրաստիճան հայ հոգևորականների հարուցած տարբեր հարցերի քննման ժամանակ դիվանբեկի ունեցած մասնակցության վերաբերյալ:

Առաքել պատմիչի հաղորդմամբ, կաթողիկոսական իշխանության հաստատման վերաբերյալ երկրորդ ռաղամի համար Շահ Արաս Ա-ն Սահակ կաթողիկոսին ուղարկում է դիվանբեկի մոտ⁴⁷:

Այս փաստն ինքնին հետաքրքիր է և վկայում է, որ կրկնակի ռաղամի անհրաժեշտության դեպքում կաթողիկոսական իշխանության հաստատման գործը, որի իրավասուն շահն էր, հանձնվում էր դիվանբեկին: «Իսկ դիւան բէկին վասն թամահի խստութեամբ էր պատասխանեալ Սահակայ, մինչ որ թամահն իւր լցեալ էր և

⁴⁴ 92-93 ص ... سازمان اداری، مستور،

⁴⁵ Դավրիժեցի, էջ 475—476: Նման դատավարությունները (քրեական մեծ հանցանքների, այդ թվում մարդասպանության դեպքում) կատարվում էին ուրֆի (սովորական) օրենքներով:

⁴⁶ Նույն տեղում, էջ 473—474:

⁴⁷ Առաջին անգամ շահից ստացած ռաղամը կնքել տալու նպատակով Սահակ կաթողիկոսն այն հանձնել էր կնքապահ Քահմազդուլի խանին, որը հանգամանքների բերումով մեկնել էր Նրևան, իսկ Սահակը գերադասել էր շահից խընդրել նոր ռաղամ, ասելով որ նախկինը կորցրել է:

ապա գրեալ էր նոր րադամ, բայց ոչ էր կնքեալ...⁴⁸ Կրկին ռադամը կնքելու համար Սահակ կաթողիկոսը մեծ դժվարութիւններ է կրում, ամենուրեք հանդիպելով կաշառակերութեան⁴⁹։ Այս և ուրիշ տվյալներ վկայում են Սեֆյան արքունիքում տիրող քաշքշուկի և կաշառակերութեան մասին⁵⁰։

Դավրիժեցին հաղորդում է նաև իրանում օտարերկրացիների դատական գործի քննութեան փաստեր։ Ուշագրութեան արժանի է 1610 թ. եվրոպացի միսիոներների (Գլեյլուն և Արքանջելի) գաար կապված՝ ս. Նոսիփսիմբի մասունքների հափշտակման հետ։ Ֆրանկ պատրիկների այս դատավարութեան ժամանակ գլխավոր քննող և վճիռ կայացնող անձն արդէն դիվանբեկին չէ, այլ ինքը շահը (Արաս Ա-ն)։ Ըստ որում, շահն առաջնորդվում է ոչ թե շարժի կամ ուրֆի օրենքներով, որոնցով ղեկավարվում էին հոգևոր կամ քաղաքացիական դատարաններում, այլ զուտ քաղաքական ու դիվանագիտական նկատառումներով, ջանալով իր վճռով առիթ չտալ իրանի լավ հարաբերութիւնների խաթարմանը ինչպես Եվրոպայի, որի ներկայացուցիչներն էին հիշյալ միսիոներները, այնպես էլ հայ խոշալութեան ու բարձր հոգևորականութեան հետ, որոնք խիստ վրդովված էին կատարված շարագործութեան առթիւ⁵¹։

Այսպիսով, շահ Աբաս Ա-ի օրոք նկատելի է օտարերկրացիների հետ կապված դատական հարցերում դիվանբեկի իրավասութիւնների սահմանափակում։

«Պատմութեան» մեջ տեղեկութիւններ են հաղորդվում նաև ոստիկանապետի (դարուղա)⁵², կնքապահի (մոհրդար), դիվանա-

⁴⁸ Դավրիժեցի, էջ 231։

⁴⁹ Նույն տեղում։

⁵⁰ Զաքարիա Աղուլեցին, որն իր եղբոր՝ Սիմոնի պարտատերերի դրամար պատասխանատվութեան էր կանչվել շահի և դիվանբեկի կողմից (1671 թ.), դործի վախճանն այսպես է արձանագրել։ Սեւ Զաքարիայ մին քանի թուման խարչեցի, պրծայ (Ձ. Աղուլեցի, Օրագրութիւն, Երևան, 1938, էջ 104), հմտ. Զաֆարեա Սարկավադ. Պատմագրութիւն, հ. Ա, Վաղարշապատ, 1870, էջ 71—74։

⁵¹ Գոյութիւն ունի Շահ Աբաս Ա-ի ռադամը Ամիրդունե խանին՝ ի պատասխան Դավիթ կաթողիկոսին, զողացված մասունքները պատրիկներից վերցնելու և էջմիածնին հանձնելու, ինչպես նաև վերջիններիս պատժելու վերաբերյալ (տե՛ս Արմենո Երևանցի, Զամրու, Վաղարշապատ, 1873, էջ 210, հմտ. ՄՀՊ, պր. 2, վ. 10)։

Դավրիժեցու հաղորդմամբ ռադանի ի ժամանակին յայնմիկ դաշն խաղաղութեան ուխտեալ և հաստատեալ էին շահն և թաղաւորն ֆրանկաց ընդ միմեանս, շահը պատրիկներին պատժելու փոխարին ազատ արձակեց, իսկ մասունքը վերադարձրեց հայերին (Դավրիժեցի, էջ 191—192)։

⁵² Ոստիկանապետի իրավասութիւնների մեջ էր մտնում հանցագործութիւնների կանխումը, ինչպես նաև մասնակցութիւնը հարկերի իրացման գործին (طاهر وحيد، عباسنامه، ص ۳۳۷)։

հան մատյանների վերակացուի և այլ պաշտոնների վերաբերյալ, որոնք հիմնականում հավաստում են այլ աղբյուրների տվյալները:

«Թագքիրաթ-ուլ-մուլուքում» հիշատակվում է ռաղամնեխի-որը «դիվանի կառավարման գործերի վերաբերյալ շահի ֆարմանների հետ գործ ուներ» և հոքմնեխի մասին, որը «տնօրինում էր հաստատված և կնքման ենթակա փաստաթղթերը»⁵³։ Հավանաբար սրանցից մեկին կամ ավելի շուտ՝ երկրորդին է վերաբերում Դավրիժեցու տեղեկությունն արքունի գրապահի մասին. «...իշխան ումն՝ որ էր գրապան թագաւորական գրեանց, զի ամենայն գրեանք թագաւորին նմա հանձնեալ է, զի պահեսցէ...»⁵⁴։ Գրապահը, Դավրիժեցու հաղորդմամբ, արքունի առաջատար պաշտոնյաներից էր, որի հետ հաշվի էին նստում պալատում:

Քաղաքների կառավարումն իրականացվում էր քաղաքապետների կամ քալանթարների միջոցով, որոնք ակտիվ մասնակցություն էին ունենում քաղաքային կյանքի բոլոր հարցերի լուծմանը, սերտ կապի մեջ լինելով վարչական այլ մարմինների, ինչպես նաև շահի հետ:

Սպահանի քաղաքապետ Միրզա Մոհամմեդի վերաբերյալ Դավրիժեցու տվյալները ցույց են տալիս նաև, որ մայրաքաղաքի քալանթարը իրավասու էր որոշ հարցերում փոխարինել շահին՝ նրա բացակայության դեպքում⁵⁵:

Քալանթարին իրավունք էր վերապահվում հարկ եղած գույքում զինված ջոկատների կամ սուանձին զինվորների միջոցով կարգավորել այս կամ այն հարցը⁵⁶:

Մեր պատմիչի հաղորդմամբ լավա բեկը «ի թագաւորէն քաղաքապետ կարգեալ էր Սպահանու»⁵⁷: Մեկ այլ առիթով նա գրում է, որ Շահ Աբաս Բ-ն, անսլառվ Երևանի քաղաքապետ Սոհամմեդ-ղուլի խանի հանդիպ մի քանի մեծամեծ իշխանների բողոքներին⁵⁸, «ընկեց զնա յիշխանութենէն... և զայլ ումն ի թագաւորական ծառայից առաքեաց յԵրևան իշխող...»⁵⁹: Նման փաստերը

⁵³ ۱۱۸ ص ... میهنورسکی، سازمان: اداری...

⁵⁴ Դավրիժեցի, էջ 445:

⁵⁵ Նույն տեղում, էջ 186—187: Նկատելի է, որ այս պաշտոնի մասին խոսելիս Դավրիժեցին գործածում է՝ «քաղաքապետ», «իշխող քաղաքին», «իշխան քաղաքին», սակայն ոչ «քալանթար» տերմինը: Թեև XVll դ. առաջին կեսին այս տերմինը լայն գործածություն չի ունեցել Հայաստանում:

⁵⁶ Դավրիժեցի, էջ 186—187, 281:

⁵⁷ Նույն տեղում, էջ 301:

⁵⁸ Նույն տեղում, էջ 341:

⁵⁹ Նույն տեղում:

վկայում են, որ քաղաքապետին նշանակում և պաշտոնանկ էր անում չա՛ր⁶⁰։

«Պատմութիւն» մեջ իշխտակվում են Սեֆեհինթի շրջանում տարբեր քաղաքների քալանթարների անուններ, որոնք լրացնում են այլ աղբյուրների տվյալները։ Դավրիժեցու հաղորդմամբ Շահ Աբաս II-ի օրոք Սպահանում քաղաքապետ էր Միրզա Մոհամմեդը, ապա՝ Լալա Բեկը, Բավրիզում՝ Ղառչա խանը, Երևանում Բահմազ ղուլի խանը, ապա՝ Մոհամմեդ ղուլի խանը, որին հաջորդել է Խաջաֆ ղուլի խանը և այլն։

Մենք խոսեցինք Սեֆեհիների վարչական այն պաշտոնների շուրջը, որոնց մասին տեղեկացնում է Դավրիժեցին։ Նշենք, որ պատմիչի տեղեկություններն ընդհանուր գծերով պատկերում են նաև Սեֆեհիների վարչակարգին բնորոշ մի շարք կողմերը։ Մի կողմից սերտ կապ է համաձայնեցվածություն, բարձր աստիճանավորների, «պետության սյուների» միջև՝ մասնավորապես ժողովրդական դանդաղության կամ նրանց առանձին ներկայացուցիչների հետ կապված հարցերի լուծման ժամանակ, մյուս կողմից՝ տարածայնություններ, կենտրոնախույս ձգտումներ, պալատական գավեր, սյուլտոնների վաճառք։ Զգալի էր կաշառակերությունը, որը հետևիտ արտակարգ չափերի է հասել։ «Բազում ուկի և արծաթ» տալը նպատակին հասնելու կարևոր միջոց էր։ Դրա պաշտոնական կամ բացահայտ արտահայտությունն էր փիշքաշը⁶¹ (پیشکشی), որ անխուսափելի սրբապա էր որևէ հարցի լուծման ճանապարհին և ընդունում էին վարչական բոլոր մարմինները, ընդհուպ մինչև շահը։ Դավրիժեցու հաղորդմամբ Փիլիպոս կաթողիկոսը Լուսավորչի Այրնոր Ջուղայից էջմիածին սեղավոխելու թույլտվություն ստացավ միայն այն բանից հետո, երբ «սկսաւ շրջել ի դրունս իշխանաց թաղաւորին, և ուռատածեռն տրօք զսիրտս ամենեցուն հաճեցոյց։ Եւ ասալ յևտ ամենեցուն լցեալ զուս ոսկի դահեկան յսկուտիդ՝ և ընդ նմին պրեալ թուղթ արդայի՝ մատոյց առաջի Շահնէֆի արքայի...»⁶²։ Կաթողիկոսական իշխանության հաստատման համար «Առհակն ընծայ ինչ ըստ կարողութեան իւրոյ՝ մատուցեալ էր

⁶⁰ Առանձին դեպքերում քաղաքի բնակիչներին իրավունք էր վերադասվում իրենց հայեցողությամբ քալանթար ընտրել։ Տե՛ս Զաֆարիա Ազուլեցի, Օրադորութիւն, էջ 139։

⁶¹ Գոյություն ունի և հատուկ հարկ՝ փիշքաշ, որ պարտավոր էր տալ ուշաթր ֆեոդալին՝ վերջինիս ձեռնդան, ամուսնության և այլ հանդիսավոր օրերի, ինչպէս նաև տոների կապակցությամբ։

⁶² Դավրիժեցի, էջ 320։

առաջի արքայի, ընդ որս էր և ձի մի պատուական⁶³։ Փիշթաշը նույնիսկ գանձարանը հարստացնող միջոցներից մեկն էր⁶⁴։

Իրանի քաղաքական ու տնտեսական ամրապնդման ուղղությամբ կատարելով մի շարք ռեֆորմներ, Շահ Աբաս Ա-ն գործնական քաղվր կատարեց նաև մետաքսի առևտրի՝ Թուրքիայով անցնող քարավանային ճանապարհը տեղափոխելու հարավ, այլ խոսքով՝ օգտագործելու Եվրոպան Ասիայի հետ կապող ծովային ճանապարհը, որը հայտնագործված լինելով XV դ. վերջերին, մեկ դար հետո գործարար նշանակութուն էր ձեռք բերել։

Եվրոպա-ասիական առևտրական ծովային նոր ճանապարհը մեծ չափով ձեռնտու էր քարավանային ճանապարհի համեմատությամբ և անհրաժեշտ էր Իրանի համար նախ և առաջ որպես մետաքսի արտահանման շահավետ ուղի։ Մասնավորապես Թուրքիան մեծ մաքս էր պահանջում փոխադրվող մետաքսի համար։ Բացի դրանից, Թուրքիայով անցնող առևտրական տարանցիկ ճանապարհները հեռու էին անվտանգ լինելուց. մի հանգամանք, որ իրեն զգացնել է տվել շարունակ։ Դավրիժեցու հաղորդմամբ Վանով անցնող Թավրիզի քարավանները երկար ժամանակ հարձակման էին ենթարկվում խոշարա բերդի իշխան Սուլեյման բեկի կողմից, որը «զկարաւանաց բեռինսի բռնութեամբ բանայր և որ ինչ իրաց և հաւանէր, սուղ ինչ գին ձգէր ի վերայ տիրոջն և կորզեալ ի տիրոջն յինքն առնոյր զինչսն և պատճառէր թէ գնով գնեցի»⁶⁵։ Փաշայությունից ղրկված Չոմարը իր շուրջը հավաքելով ավազակների, «դարանամուտ լինէր ի վերայ ճանապարհաց»՝ երթևեկ կարաւանաց և ի վերայ բախեալ զորս կոտորէր և զորս փախստական առնէր, և զոսկի և զարծաթ և այլ զոր ինչ կամէր առեալ գնայր... այնքան մինչև զի երկթևեկութիւն ճանապարհաց խափանեցաւ...»⁶⁶։

Մետաքսի արտահանման նոր ճանապարհը ոչ միայն հարվածում էր Իրանի ախոյանի՝ Թուրքիայի ֆինանսներին, այլև ազատում էր Իրանին հիշյալ խոչընդոտներից։

⁶³ Նույն տեղում, էջ 230, տե՛ս նաև էջ 309, 311 և այլն։

⁶⁴ Այս հանգամանքն ընդգծում է և Շարդհեր. տե՛ս «سياحنامه شاردن»
ترجمہ محمد کباسی تهرآن، ج ۳ ص ۲۶۷

⁶⁵ Դավրիժեցի, էջ 494։

⁶⁶ Նույն տեղում, էջ 496, հմմտ. Զաֆարիա Ագալեցի, Օրագրություն, էջ 35, 45, 71—72 և այլն, Զաֆարիա Սաբկավազ, Պատմագրություն, հ. Բ, էջ 24։

Առևտրի զարգացման գործին խթանելու, ինչպես նաև՝ Թուրքիայի դեմ պատերազմներում եվրոպական երկրների աջակցությունն ստանալու համար Շահ Արաս Ա-ն լայն արտոնություններ է շնորհում եվրոպացի վաճառականներին⁶⁷։ Անգլիական և հոլանդական Արևելյան-Հնդկական ընկերություններն իրավունք են ստանում իրենց առևտրական ֆակտորիաներն ունենալու Իրանում։ Իրան ժամանած անգլիացի, հոլանդացի, ֆրանսիացի բազմաթիվ առևտրականների, ինչպես նաև կաթոլիկ միսիոներների գործունեությունը հող է նախապատրաստում գաղութային ներթափանցման և Իրանում կապիտուլացիոն ուժի մի ստեղծման համար, որին ձգտում էին եվրոպական երկրները։ XVII դ. սկզբին նրանց ջանքերը՝ իրենց ձեռքը վերցնելու մետաքսի արտահանումը, հաջողություն չի պսակվում։

Շահի մենաշնորհը հանդիսացող մետաքսի առևտուրը կատարվում էր գլխավորապես հայ վաճառականների միջոցով⁶⁸։ Հանձնեսցուղայնցի առևտրականների, որոնք գաղթեցվել էին Իրան, վերջինս ուներ ձեռնբեց և հավատարիմ առևտրական գործակալներ, որոնք սոլխարհի տարբեր երկրների հետ առևտրական սերտ կապերի մեջ էին։

Հետագայում Շահ Արաս Ա-ի պլաններն իրականանում են, և Զուղայի առևտրական կապիտալը կռվան է ծառայում Իրանի առևտրի համար։ Այդ է պատճառը, որ Զուղայի վաճառականները, հայ խոջաները ոչ միայն օգտվել են լայն իրավունքներից ու արտոնություններից, այլև եղել են Սեֆյան շահերի և հատկապես Շահ Արաս Ա-ի մերձավորները՝ հաճախ՝ խորհրդատուներ։ Այդ մասին Դավրիժեցու երկն ամփոփում է բազմաթիվ փաստեր։ Իրանում հայ վաճառականների խաղաղած ակնառու դերը համընդհանուր ճանաչում է գտել և արձանագրվել ժամանակակիցների կողմից։ «Ամսնաշատ և ամենահարուստ վաճառականները Պարս-

⁶⁷ *سازمان ایران... احمد قاجار بخش، ایران...* Անշուշտ սխալվում է Մոհամմեդ Փարսեզը, XVII դ. սկզբին Իրանի ու եվրոպական երկրների առևտրական հարաբերությունների աշխուժացման հիմքում դնելով Շահ Արասի սիրալիր վերաբերմունքն այդ երկրների ներկայացուցիչների նկատմամբ, անտեսելով յուրաքանչյուր կողմի հետապնդած տնտեսական ու քաղաքական նպատակները)։ *عباسی پرنک شاه محمد*

کبیر تهران، ۱۹۵۲، ص ۳۲۴

⁶⁸ Տավերեյի հազորդամբ Շահ Արաս Ա-ն մետաքսի առևտուրն սկզբում հանձնարարել է իրանցի վաճառականներին, որոնք, սակայն, վատնել են վաճառքից ստացած դուժարը, և շահը համոզվելով, որ իրանցիներն այդ գործում ապաշնորհ են, մետաքսի առևտուրը վստահել է հայ վաճառականներին

(*سفرنامه قزوینی، تهران، ترجمه ابوتراب نوری، ۱۳۳۱، ص ۱۶۳*)

կաստանում,—գրում է Ադամ Օլեարիուսը,—հայ քրիստոնյաներն են, որոնք ամենուր երթևեկում են՝ երկրում և նրանից դուրս⁷⁰։

Խոսելով Կոստանդնուպոլիս ժամանած հայ վաճառականների մասին, Դավրիժեցին շեշտում է մասնավորապես ջուղայեցիներին և դոդթնեցիներին (հավանաբար նկատի ունի ագուլեցիներին)⁷¹։ Վերջիններիս մասին առատ տվյալներ է պարունակում Ջաքսրիա Ադուլեցու օրագրությունը, որը հարուստ աղբյուր է Սեֆյան Իրանի առևտրական հարաբերությունների վերաբերյալ և արժևքավոր տվյալներ է ընդգրկում XVI—XVII դդ. հայ վաճառականների, նրանց առևտրական գործարքների, ապրանքների գների, առևտրի հիմնական երթուղիների մասին և այլն։ Հայ վաճառականները հաճախ էին լինում Ստամբուլում, Իզմիրում, Էրզրումում, Բուրսայում, որտեղի վաճառականների հետ առևտրական սերտ կապեր ունեին⁷²։ Դավրիժեցին պատմում է հայ մեծահարուստ վաճառական Անտոն Ջալապու մասին, որը հիշյալ բաղաճներում գնում էր Իրանից եկած հայ վաճառականների, հաճախ մի ամբողջ քարավանի ապրանքը⁷³։

Մետաքսից բացի (հումք և պատրաստի) Իրանից արտահանվում էր կերպաս, թավիշ ու այլ կտորեղեն, գորգեր, սեկ (սաֆյան), բուրդ, ծխախոտ, չոր միրգ և այլն։ Եվրոպացիներն Իրան էին բերում ձիթապտուղ, պղինձ, շաքար, տարբեր տեսակի մահուղ։

Աշխույժ էր և թանկարժեք քարերի առևտուրը, որով զրադվում էին գլխավորապես հրեաները⁷⁴։ «Պատմության» մեջ ընդարձակ տեղեկություններ կան թանկարժեք քարերի, նրանց հատկությունների, արտահանման ու վաճառքի վայրերի և նրանց գների վերաբերյալ⁷⁵։

Իրանն առևտրական ու դիվանագիտական հարաբերություններ էր հաստատել նաև Ռուսաստանի հետ։ Դավրիժեցու հավաստմամբ, Շահ Աբաս Ա-ի օրոք Սեֆևիները Ռուսաստանի հետ դիսպանություններ էին փոխանակում. «Եւ եղև զի... եկին դեսպան ի Ռուսաց թագաւորէն վասն սիրոյ և բաղում գործոց»,—գրում է

⁷⁰ Олеарий Адам, Подробное описание путешествия Голштинского посольства в Московию и Персию в 1633. 1636 и 1639 годах, М., 1870, стр. 791.

⁷¹ Դավրիժեցի, էջ 287.

⁷² Նույն տեղում, հմտ. Զ. Ագուլեցի. Օրագրություն, էջ 41, 59, 160 և այլն.

⁷³ Դավրիժեցի, էջ 338—339.

⁷⁴ Նույն տեղում, էջ 479, հմտ. احمد تاجدخشي، تاريخ و احوال ايران و روسيه، در نیمه اول قرن نوزدهم، تبریز، ۱۳۳۷، ص ۸.

⁷⁵ Նույն տեղում, էջ 588—605.

Դավրիժեցին, այնուհետեւ պատմելով Շահ Աբաս Ա-ի հետ նրանց շահդիսթան մասին՝ «Պատմության» մեջ նման փաստեր ենք տեսնում եւ Աբաս Ա-ի հաջորդի՝ շահ Սեֆու (1642—1666), շրջանի վերաբերյալ. «Եւ իդե դի թագաւորն Ռուսաց սիրոյ աղագաւ հրէշտակ խաղաղութեան առաքեաց առ Շահսեֆի Պարսից թագաւորն...»⁷⁶ Դիւսպանությունն Իրանի արքունիք էր բերել բազմաթիւ ընծաներ, որոնց թվում է՝ ավանդական բազեի⁷⁷, Անշուշտ այդ բարեկամական այցելությունների ժամանակ առևտրի հարցը զրավում էր կարևոր տեղերից մեկը։ Դեռևս 1604 թ. Ռուսաստանն իրավունք է ձեռք բերում Իրանում առևտուր անել առանց մաքսի⁷⁸, Ռուսական ապրանքները, մասնավորապես մորթեղենը, լալն ընդունելություն էին գանում Իրանում, հաճախ տեղ գտնում պարսից շահերի կողմից այլ երկրների թագավորներին մատուցվող ընծաների մեջ⁷⁹, Իրենց հերթին, Իրանից ներմուծվող ապրանքները գոհունակությամբ էին ընդունվում Ռուսաստանում, որտեղ ընդհանրապես Իրանից եկող վաճառականների նկատմամբ բարյացակամ վերաբերմունք էր ցույց տրվում⁸⁰։

Իրանի ներքին առևտուրը ևս XVII դ. սկզբից զարգացում է ապրում։ Երկրում միջոցներ են ձեռնարկվում առևտրական ճանապարհների անվտանգությունն ապահովելու, նոր ճանապարհներ անցկացնելու եւ հները նորոգելու ուղղությամբ, կառուցվում են կամուրջներ և մեծ քանակությամբ քարավանատներ։

Ներքին շուկայում վաճառքի էր հանվում երկրի արհեստագործական արտադրանքը (կտորեղեն, կաշվե իրեր, գորգեր և այլն), որը հաճախ նաև արտահանվում էր Իրանից դուրս։

XVII դ. սկզբին ներքին առևտրի և արհեստների զարգացումը հատկանշական էր Իրանի քաղաքների համար։

Դավրիժեցին հիշատակում է Իրանի շատ քաղաքների՝ Սպահանի, Թավրիզի, Արդաբիլի, Ղազվինի, Շիրազի, Լառի, Համադանի, Նզդի, Քերմանի, Քաշանի, Ղոմի մասին։

⁷⁶ Դավրիժեցի. էջ 140—141։

⁷⁷ Նույն տեղում, էջ 411։

⁷⁸ Նույն տեղում, հմտ. 94. ص ٢٢ ... اسکنندہ منشی

⁷⁹ П. Руттук, Политико-статистический очерк Персии, СПб., 1896, стр. 210.

⁸⁰ Տե՛ս 90. ص ٢٢ ... اسکنندہ منشی

⁸¹ Վ. Ոսկանյան, Հայ-ռուսական հարաբերությունները XVII դ. (ՀՍՍՀ ԳԱ «Տեղեկագիր», Կառ. դիտ., 1948, № 1)։

Առավել մանրամասն տեղեկություններ է տալիս Դավրիժեցին մայրաքաղաքի՝ Սպահանի⁸² վերաբերյալ, Պատմագրի վկայակոչած հիշատակարանի (գրված 1461 թ.) հաղորդմամբ, XV դ. կեսերին Սպահանը «ամուր և բազմամարդ» բալց և «հողաշեն» քաղաք էր⁸³, XVII դարում Սեֆևիդների մայրաքաղաքը լինելով (1598 թ.), Սպահանն աննախընթաց ծաղկում է ապրում և դառնում ժամանակի աչքի ընկնող քաղաքներից մեկը։ Ոմանք նույնիսկ այն համարել են Ասիայի լավագույն քաղաքը⁸⁴։ Սպահանը, որը հորջորջվել է «աշխարհի կես» մակդիրով, բազմամարդ է եղել⁸⁵ և գրավել ավելի քան 37 կմ պարագծով տերիտորիա⁸⁶։

Նկարագրելով քաղաքի դիրքը, պատմիչը նշում է, որ այն արևմուտքից արևելք հասնում է մեծ գետով (Ջայնդեհուդ), որի հյուսիսային կողմում տեղավորված են շահի պալատը, մահմեդականների տները, վաճառանոցները և այլն, իսկ հարավային կողմում ջուղայեցիներն են⁸⁷։ 1655—1656 և 1659 թթ. հայերը, հրեաները, դերերը, որոնք բնակվում էին գետի հյուսիսային կողմում, վերաբնակեցվում են նրա մյուս ափը⁸⁸։

Սպահանի բարեկարգման ու բարգավաճման ուղղությամբ առանձնապես մեծ ջանքեր է գործադրել Շահ Աբաս Ա-ն, որի օրոք քաղաքն առանձին շուք է ստանում և ընդարձակվում, մեծ հույս է ձեռք բերում, «որոշ ժամանակ դառնում Արևելքի առևտրի կենտրոն»⁸⁹։ Ականատեսները XVII դ. Սպահանի մասին միայն հիացական խոսքեր են թողել։ Դավրիժեցին այն անվանում է «մեծահանդես» քաղաք։ Զուղայեցու արտահայտությունը՝ Սպահանը «ի ձեռս առաջնոյ Շահաբասին յոյժ հրաշալի յօրինուածովք և վա-

⁸² Սպահանն անվանվել է նաև Շոշ կամ Սոս։

⁸³ Դավրիժեցի, էջ 420։

⁸⁴ Sbe's B. Бартольд, Место Прикаспийских областей в истории мусульманского мира, Баку, 1926, стр. 758.

⁸⁵ Հստ Բեկ Բայաթ Օրուչի, XVII դ. Սպահանի բնակչությունը կազմել է 80 հազար ընտանիք (بیات اروچ، دوت زوان ایرانی، تهران ۱۳۸۸ ص ۵۹) հազար, ընդունված է, որ սպահանաբնակների թիվը եղել է ավելի քան 800 հազար։

⁸⁶ Անհավանական են այս հարցում Աբուլ Ղասեմ Սահարի տվյալները, ըստ որոնց Սպահանն արևմուտքից արևելք ձգվել է 60 ֆարսանգ (տե՛ս سحاب ابوالقاسم، تاريخ زندگانی شاه عباس کبیر، تهران، ۱۳۳۵، ص ۱۷۱) (ֆարսանգը կամ ֆարսախը հավասար է 6—8 կմ)։

⁸⁷ Դավրիժեցի, էջ 452—453։

⁸⁸ Այդ փաստի նկարագրությունը Դավրիժեցին մի ամբողջ գլուխ է նվիրել (տե՛ս գլ. 19., էջ 442—455), նաև՝ էջ 457—461, հմմտ. Ն. Sbr-Նովեաեյանց, Պատմութիւն Նոր Զուղայու, որ Սպահան, հ. 1, Նոր Զուղա, 1880, էջ 84—86։

⁸⁹ احمد تاج بخشي، ایران... ص ۵۲—۵۳

իւլիազարդ տեսութիւնը յաւետ շքեղագոյնս պայծառացաւ, ըստ որում և յայտ ի տեսողաց այժմ իսկ է՝⁹⁰։

Շահ Աբաս Ա-ի նախաձեռնութեամբ Սպահանը զարդարվեց հարտարապետական այնպիսի կոթողներով, ինչպիսիք են Ալի-Ղափուն և Զահեյսոթունը (ապարանքներ)⁹¹, Մասջադև-Շահը և Մասջադև-Լոթֆոլլան (մզկիթներ), Ալլահվերդի խանի և խաջուի կամուրջները և այլն։ Ստեղծվեցին հրապարակներ, շուկաներ, այգիներ և այլն։

Սպահանի շինարարութեան ու բարեկարգման գործում մեծ փոփոխվածանակցութիւն են ունեցել նաև Նուր Ջուղան կառուցող հայերը, որոնք հաստատվելով Սպահանում, «շինեցին յարկա և րնակութիւնս ինքեանց՝ հրաշալի յօրինուածովք, կամարակապ փողոցօք, թևտուր ապարանք... բարձրաբերձ և արքայակերպ շինուածօք...»⁹²։

Քաղաքը ռակավաջուր է եղել։ Այդ ուղղութեամբ Շահ Աբաս Ա-ի ձեռնարկած միջոցառումներից էր Աբիքուրան գետի⁹³ հունը փոխելու և այն Զայնդեհուդին միացնելու փորձը, որի նպատակն էր մայրաքաղաքն ապահովել ջրով⁹⁴։ Սակայն այս դժվարին գործը, որի առաջին փորձը կատարել էր ջահ Թահմասպը, տեղանքի աննրպաստ սպայմանների պատճառով կրկին անհաջող վախճան է ունենում⁹⁵։

Սպահանը, ինչպես ողջ Իրանը բազմազգ է եղել։ Ֆ. Կոտովը նշում է սպահանաբնակ հայերին, հրեաներին, ադրբեջանցիներին, արաբներին, հնդիկներին⁹⁶։ Զաքարիա Սարկավազի հաղորդմամբ Սպահանում ապրում էին նաև հույներ, ասորիներ, վրացիներ, ուզբեկներ, քրդեր, ինչպես նաև իրանական զանազան ցեղեր⁹⁷։

⁹⁰ Խ. Զուլայեցի. Պատմութիւն Պարսից, Վաղարշապատ, 1905, էջ 98։

⁹¹ Էբրահիմ Դեհզանը դրանց կառուցումը սխալմամբ վերագրում է Աբաս Բ-ին

(طاهر وحيد، عباسنامه، ص ۵)

⁹² Դավրիժեցի, էջ 63, 454։

⁹³ Արև-Քուհրանգ (آب كوهرنگ) (լեռնագույն ջուր) կամ Արեւ-Քուրանգ (آب كورنگ), այժմ՝ Քարուն։

⁹⁴ Դավրիժեցի, էջ 140—141։

⁹⁵ ۳۹۹-۳۵۰ ص. استخار مشتمل... Խ. Զուլայեցի, Պատմութիւն Պարսից, էջ 128—129։ Ար-ի Քուրան ջրանցքի ու համանուն հարկի մասին տե՛ս Բ. Ավդալբեկյանի հոդվածը. (Մշակագիտական հետազոտութիւններ», Իրեան, 1969, էջ 457—461)։

⁹⁶ Хожделение купца Ф. Котова в Персию, М., 1958, стр. 82, 91.

⁹⁷ Զ. Սարկավազ, Պատմագրութիւն, հ. 1, էջ 56, հմտ. Զուլայեցի, Պատմութիւն Պարսից, էջ 137։

Դավրիժեցին հիշատակում է «ֆրանկներին» մասին, այդպես, անվանելով բոլոր եվրոպացիներին: Պատմագրի տվյալները վկայում են վերջիններիս վայելած լայն արտոնությունների, մասնավորապես կրոնական ազատության մասին⁹⁸:

Իրանի քաղաքներում այդ շրջանում լայն թափ է ստանում արհեստների զարգացումը: Գոյություն ունեին մեծ թվով արհեստանոցներ՝ ինչպես մասնավոր, այնպես էլ պետական կամ շահին պատկանող, որոնք կոչվում էին «քարխանե»: Դավրիժեցու տեղեկությունները վկայում են, որ հմուտ արհեստավորներն առանձնապես վայելում էին իշխանության հովանավորությունը⁹⁹:

Այսպիսին է Իրանի սոցիալ-տնտեսական կյանքի վերաբերյալ Դավրիժեցու տված տեղեկությունների պատկերը: Թեև պատմագիրն առանձին չի անդրադարձել պատմության այդ կողմին, սակայն, նրա տվյալները կարող են օգտակար լրացում լինել Իրանի պատմության ուսումնասիրման համար:

Л. Г. ДАНЕГЯН

ВОПРОСЫ СОЦИАЛЬНО-ЭКОНОМИЧЕСКОЙ ЖИЗНИ ИРАНА В «ИСТОРИИ» АРАКЕЛА ДАВРИЖЕЦИ

Резюме

Труд армянского историографа XVII в. Аракела Даврижеци является достоверным источником для изучения истории Ирана.

Статья посвящена анализу данных Даврижеци о социально-экономической жизни Ирана, в частности—об аграрных отношениях, положении крестьян, налогах, сефевидской администрации, о торговле, ремеслах, городах и т. п.

Особенно ценны сведения Даврижеци о своеобразных формах земельных пожалований, таких налогах и повинностях, как чобанбеки, джизья, гоналга, сурсат и т. п.—и методах их взимания, о злоупотреблениях и произволе в налоговой системе. Интерес представляют данные «Истории», свидетельствующие и о политико-экономических отношениях между Сефевидским Ираном и Россией, об обстановке при шахском дворе, компетенции различных должностных лиц, как—э'темад-эд-доуле, садр, диванбеки, даруга, калантар, хокмневис и т. п.

⁹⁸ Միայն Սպահանում նրանք ունեին երեք վանք. սրանցից մեկը Հուսիսյան անունն էր կրում (Դավրիժեցի, էջ 154, 185):

⁹⁹ Նույն տեղում, էջ 301:

Все эти сведения отражают две основные тенденции жизни Сефевидского Ирана: с одной стороны укрепление всего того, что составляет «столпы государства», с другой — разногласия, центробежные тенденции, дворцовые интриги, продажа должностей, волокита, взяточничество.

В статье данные Даврижеци рассматриваются в сопоставлении их с данными других источников.